

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرنیدن بر مجیدیه اخذ
ایدیلور

نسخه سی ۴۰ پاره در

تذکره محاکمه علی

سنه لکی در سعادت ایچون مجیدیه
یکرمی غروش حسابله التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربیات

بتلیس ولایتی استیناف محکمه سی جزا دائره سی
ریاستی بغداد ولایتی استیناف محکمه سی مدعی
عمومی سی رفعتلو عثمان فرید افندی به

بغداد ولایتی استیناف محکمه سی مدعی عمومی لکی
طر بزون ولایتی مرکز بدایت محکمه سی حقوق
دائره سی رئیس رفعتلو عبده حلمی افندی به

طر بزون ولایتی مرکز بدایت محکمه سی حقوق
دائره سی ریاستی بغداد ولایتی مرکز تجارت
محکمه سی رئیس رفعتلو جعفر صادق افندی به

بغداد ولایتی مرکز تجارت محکمه سی ریاستی
ادرنه ولایتی مرکز تجارت محکمه سی رئیس عزتلو
علی وهبی افندی به

ادرنه ولایتی مرکز تجارت محکمه سی ریاستی
قونیه ولایتی مرکز تجارت محکمه سی رئیس سابق
عزتلو عاکف بکه

اورفه سنجانی تجارت محکمه سی ریاستی اطنه
ولایتی مرکز تجارت محکمه سی رئیس سابق رفعتلو
قسطنی افندی به

دیاربکر ولایتی مرکز بدایت محکمه سی جزا
دائره سی ریاستی موصل ولایتی مرکز بدایت
محکمه سی مدعی عمومی معاونی فضیلتو محمد منیر
افندی به

موصل ولایتی مرکز بدایت محکمه سی مدعی
عمومی معاون لکی ماردین سنجانی بدایت محکمه سی
جزا دائره سی رئیس قوتلو اشرف افندی به

ماردین سنجانی بدایت محکمه سی جزا دائره سی
ریاستی مرعش سنجانی بدایت محکمه سی جزا
دائره سی رئیس سابق موسی کاظم افندی به

یوزغاد سنجانی بدایت محکمه سی جزا دائره سی
ریاستی قرق کلیسا سنجانی بدایت محکمه سی مدعی
عمومی معاونی رفعتلو محمد منیب افندی به

قرق کلیسا سنجانی بدایت محکمه سی مدعی عمومی
معاون لکی نابلس سنجانی بدایت محکمه سی مدعی
عمومی معاونی عزتلو عثمان افندی به

نابلس سنجانی بدایت محکمه سی مدعی عمومی
معاون لکی درسم سنجانی بدایت محکمه سی مدعی
عمومی معاون اسبق قوتلو حسن حلمی افندی به
تفویض بیورلمش ومومی الیهم ذاتاً محلف بولنشد.

تبلیغات

عدلیه نظارت مبلید سنده عدلیه مفتشدر
استیناف مدعی عمومی سنده نظیر قلناه خبرات عمومی
صوبه:

دوائر امیری به عائد املاک و اراضیدن صورت
تصرف و جهت و قفیت و ملکیتی معلوم اولانلر حقنده
قرار واقع دائره سنده معامله ایفاسی و اولیانلر ایچون
طشمره ده نواب شرعک ریاستلری التنده دفتر خاقانی
ودوائر مرکز به نک اورالرده کی مأمورلرندن مرکب
بر قومیسون تشکیلده تدقیقات لازمه اجراسی قرارگیر
اولدیغندن مأمورین عدلیه به تبلیغات اجراسی ۹ نیشان
سنه ۳۳۲ تاریخی تذکره سامیده ازار بیورلمش
وطشمره لرده ببولده قومیسونلر تشکیل و ایفای
معامله به ابتدار اولندینی تقدیرده خصوص مذکورک
جهت عدلیه به تعلق ایدجک اقسامندن طولانی
مذاکره ده بولنقی اوزره مأمورین عدلیه دن دخی
مناسب برذاتک قومیسون مذکورده دوا می ضمننده
اول امرده نظارته اعطای معلومات اولنسی لزومی
لدی الحواله انجمن اداره دن افاده اولنغله اولوجهله
ایفای مقتضاسی لزومک ایجاب ایدلر تبلیغی ضمننده
اشبو تحریراتک نسخ مطبوعه کافیه سی لفافه ارسال
اولندینی بیانیله شقه ترقیم قلندی

محاکمه مفسران

در سعادت منابت محکمه سنده:

مصره فرار و ارباب فساده التحاق ایله

تحریرات خائنه به اجتناسار ایلدیکی ادعاسیله
متهم بولنلن فرانسز خسته خانه سی اطباء
سابقه سندن داغاواریان نام شخص دردست
ایدیله مامش اولدیغندن تاریخندن اعتباراً جانب
ریاستدن کندوسنه اون کون مهل اعطا
قلنمشدر مهل معین ظرفنده مرقوم محکمه به
کلدیکی حالده قانونه اطاعت ایتماش نظریله
باقیله رق حقوق مدنی دن اسقاط قلنه جنی
وعلیننده دعویه قیام اولنه جنی و محاکمه
غیایه سی اثاده اموالی حجز التنه التنه جنی
وبوصره ده برکونه ادعایه حق اوله میه جنی کی
معاملات حیزیه حقنده دخی مدعی عمومی لکه
تبلیغات مقتضیه اجرا ایدلدیکی جهتله اصول
محاکمات جزائی قانوننک اوچیوز یتیش برنجی
واوچیوز یتیش ایکنجی ماده لرندن استنباط
اولنان احکامه توفیقاً اشبو قرارنامه بالتنظیم
اعلان اولنور.

مصره فرار ایله ارباب فساده التحاق
ایتدکری ادعاسیله متهم اولوب اسکدارده
ایجادیه نام محله ساکن قهوه جی قره بتک
اوغللری بولنان ارمناق ایله دیقران دردست
ایدیله مامش اولدقلرندن تاریخندن اعتباراً جانب
ریاستدن کندوسنه مجدداً اون کون مهل اعطا
قلنمشدر مهل معین ظرفنده مرقومان محکمه به
کلدیکی حالده قانونه اطاعت ایتماش نظریله
باقیله رق حقوق مدنی دن اسقاط قلنه جقری

وعليه لزمه دعوايه قيام اولنه جنى ومحاكمة غيايه لرى ائشاده ماللرنيك حيزالته اللهجنى وبوصره ده بركونه ادعايه حقلى اوله ميه جنى كى معاملات حيزيه حقنده دخی مدعى. عموميلكه تبليغات مقتضيه اجرا ايدلدىكي جهته اصول محاكات جزائيه قانونك اوچيوز يتش برنجى واوچيوز يتش ايكنجى ماده لردن استنباط اولنان احكامه توفيقاً اشبو قرارنامه بالتظيم اعلان اولنور.

سيد علوانى جرح ايله صاغ النك عملدن تعطيلنه سبيت وردكرى ادا اولمىسندن دولاي جنائله اتهام اولنان حافظ بن حاجى مصطفى وزيفى رشيد بن كاظمك اوچر سنه مدتلره كورك قونلرينه دائر بغداد ولايت استيناف محكمهسى جزا دائره سندن اعطا قلنان ۱۳۹ نومرولى اعلام دلى اورمان اوغلى حسنى قتل قصديه جرح ايدلدىكي ادا اولمىسندن دولاي جنائله اتهام اولنان نظيف بن احمدك اوچر سنه مدتلره كورك قونلرينه دائر جانيك سنجاني بدايت محكمهسى جزا دائره سندن اعطا قلنان ۴۱۰ نومرولى اعلام بنوجه اوغلى اوسى كيربوسه قتل قصديه سلاح انداخت ايدلدىكي ادا اولمىسندن دولاي جنائله اتهام اولنان نجير عليكك اوچر سنه مدتلره كورك قونلرينه دائر ملاطيه سنجاني بدايت محكمهسى جزا دائره سندن ويريلان ۱۹۵ نومرولى اعلام يتش اوغلى محمدك مسندوغى قيره رق نفوذ و اشياى اخذ ايدلكرى ادا اولمىسندن دولاي جنائله اتهام اولنان عبده بن اسماعيل وصادق بن مصطفىك اوچر سنه مدتلره كورك قونلرينه دائر توفاد سنجاني بدايت محكمهسى جزا دائره سندن اعطا قلنان ۳۷۳ نومرولى اعلام متو بن حمدنيك كيفت قلندن دولاي جنائله اتهام اولنان سليمان بن سليمانك اون بش سنه مدتلره كورك قونلرينه دائر حلب ولايت استيناف محكمهسى جزا دائره سندن اعطا قلنان ۳۴۳ نومرولى اعلام على بن محمدى قتل ايدلدىكي ادا اولمىسندن دولاي جنائله اتهام اولنان محمد بن اسماعيلك اون بش سنه مدتلره كورك قونلرينه دائر بغداد ولايت استيناف محكمهسى جزا دائره سندن ويريلان ۳۰ نومرولى اعلام سليمان وزوجهسى بمزه واوغلارنيك كيفت

قلندن دولاي جنائله اتهام اولنان فلاح بن دهكك اون بش سنه مدتلره كورك قونلرينه دائر منتفك سنجاني بدايت محكمهسى جزا دائره سندن ايكنجى دفعه اوله رق اعطا قلنان ۳۹ نومرولى اعلام زاويهلى محمدك كيفت قلندن دولاي جنائله اتهام اولنان عبده بن روحومه ومحمد بن سالم العلوشك اون بشر سنه مدتلره كورك قونلرينه دائر طرابلس غرب ولايت استيناف محكمهسى جزا دائره سندن اعطا قلنان ۲۲۴ نومرولى اعلام محكمه تميز جزا دائره سنجيه تصديق قلتمشدر.

درساعات جنائت محكمه سندن اعطا قلنان

اعلامدر : اوچيوز بكرى برسنهسى تشرين تائيسنك اوننجى بنجشنبه كوني اوسقورمى قريه سنده واقع قهوه خانه اوكنده بالنسازه على بن جرح وقتل ايدلدىكي ادا قلتمسندن طولاي مظنون عليه اولان زكريا قريهلى اولوب اوراده مقيم بولنديقى سويليان وقهوه جيلك ايدن بكرى طقوز باشنده غالب بن ابراهيمك جنائله اتهامه دائر هيئت اتهامه دن تنظيم قلنان مضبطه ايله استيناف مدعى عموميلكنك ۱۴ شباط سنه ۲۲۱ تاريخ و ۸۵۴ نومرولى اتهامه سى اوراق مفرعه سيله محكمه جنائيه توديع قلتمغله بالمطالع تفصيلاتى اوليابه طويلان ضبطامه دن مستبان اوله جنى وجهله اصول محاكات جزائيه قانونك باب تائيسنك فصل رابنده محرر اولان معاملات ابتدائيه بعد الايقا اداى مفسوخيتك مهل معين قانونيسى منقضى اولمغله متهم غالب اونباشنيك اجرائى محاكمه سى ايچون اوچيوز بكرى برسنهسى شباطك بكرى سكرنجى كوني تعين قلندى . بوم مذكوره متهم مرقوم على الاصول توقيف خانه دن كتورديله رك ومدافقه وكيلى بغيرك افندى ايله استيناف مدعى عموميلكى معاونلردن عزتو بهجت بك ومدعى شخصى مصطفى حاضر اولدقلى حاله محاكمه سالونه چيقيله رق محاكمه علنيه اجراسنه مباشرت وجانب رياستن متهمك هوئى لى التديق استجواب ضبطامه سنده محرر اولدقلى وجهله تعين ايتدكن ومتهم ايله وكيلىه اخطارات لازمه قانونيه ايضا قلندقدن صكره هيئت اتهاميه مضبطه سيله اتهامه ضبط كاتى شفيق افندى طرفندن قرائت اولندى . مذكور مضبطه مظنون عليه غالب اونباشنيك بالهور على بن جرح وقتل ايتش اولمىسندن طولاي اتهامه اوراق تحقيقده مندرج اخبارات ومعاينه راپورى مندرجاني كافى كورلش وحركتى قانون

جزائك يوز يتش دردنجى ماده سى حكمنى مستلزم افعال جانيه دن بولنش اولديندن جنائله اتهامه قرار ويرلدىكي محرر واتهامنامه ده دخی مرقومك مضبطه مذكوره مندرجاني وجهله اتهام ايدلدىكي مسطر در . اتهامه نك خلاصه سى جانب رياستن متهم غالبه تفهيم وتوضيح ومعاون مومى اليه طرفندن دخی دعواكك تشریح اولمىسنى معقب متهم مرقوم انطاق اولندقدن فعل مذكوردن خبرى اولمديقى بيان ولدى السؤال مقتول على ايله منازعه ايتديكى اتيان ايدلى .

على هذا ۱۱ تشرين ثاني سنه ۳۲۱ تاريخلى ضابطه عدليه تقريرى ايله مقتولك معاينه سى حاوى طبيب راپورى ومقتول مرقومك قبل الوقات ضبط ايديلان افاده سى قرائت ايتديرلدى . تقريرده اوچيوز بكرى برسنهسى تشرين تائيسنك اوننجى بنجشنبه كوني ساعت اوچ قرارلنده صوبولى ناحيه سنده مربوط اوسقورمى قريه سى ساكنلردن عليشك زكريا قريهلى غالب نام شخص طرفندن بيقاق ايله جرح ايدلدىكي استخبار اولمىسنى اوزرينه مذكور اوسقورمى قريه سنده كيديله رك تحقيقاته ابتدار اولندقدن مرقوم غالبك بكرى غروشدن عبارت بولنان الهجندن طولاي يئيرلنده ظهور ايدن منازعه اوزرينه مرقوم على بن قهوه اوكنده جرح ايدرك فرار ايتديكنك اكلاشدينى اشعار وطبيب راپورنده مرقوم عليكك صولمىسندن وحشيدن داخله طوغرى المت قاطمه ايله حاصل غايت عميق برجرىح دن طولاي وقات ايدلدىكي ازار قلتمش ومقتولك افاده نامه سنده دخی غالب اونباشى به اولان برجيدي بورجى برقاج كونه قدر تسويه ايتك ايچون مساعده ايتهمى اوزرينه مرقوم غالب اونباشنيك كندوسنى بيقاق وباخود قبا ايله جرح ايدلدىكي خصوصياتى مندرج بولتمشدر .

قرائت اولنان اوراق مندرجانه قارشو نه ديه چكى متمدن صورلدقه جرحى كندوسى ايقاع ايتديكى كى قرار دخی ايتديكى سرد ايتدى . مدعى عموميلك مقامندن معطى شهود بوسله سنده اساميسى محرر اولوب دعوت واقعه به اتباعاً ورود ايتدكرى خبر ويريلان كسان برر برر حضور محكمه به چيقيله رق لى السؤال طرفينه بركونه قرابت ومناسبت وخصوصتلى اولمدينى اكلاشددن واصلولى وجهله تخليفلى اجرا قلندقدن صكره منفرداً ومواجهه استماع اولندقدن بولردن ذكرى قريه سنده اقامته بقالق ايتديكى سويليان اوتوز بش باشنده اسماعيل بن كامل كچن رمضان

دبنى ومذكور جكرلك اوزرندكى تمقا اداره سى نامه جكره مخصوص صفوق تمقايى دخی تقليد ايدلدىكي ادعايله متهم وموقوف بولنان مانوكك شريك نهقى دنلوب غلطده يازيچى زقاغنده اوتوزالى نومرولى خانه ده مقيم ايكن فرار ايدن ويونان دولتى تيمه سندن اولدينى خبر ويريلان اوزون بويلى اسمرجه بوزلى آرز صاچ وصقاللى سياه قيرچيل بيقلى تخميناً قرق طقوز باشلرلنده ني قوله القترديس درست ايدله ماش اولديندن تاريخدن اعتباراً جانب رياستن كندوسنه مجدداً اون كون مهل اعطا قلتمشدر مهل معين ظرفنده مرقوم محكمه كيديكى حاله قانونه اطاعت ايتامش نظريله باقيله رق حقوق مدنيه دن اسقاط قلتمه جنى وعليه دعوايه قيام اولنه جنى ومحاكمة غيايه سى ائشاده اموالنك حيز آلتله اللهجنى وبو. صره ده بركونه ادعايه حقى اوله ميه جنى وبالجملة ضابطه عدليه مامورلرينك كندوسنى طوغغه بيجور بولند. قلى امرى اعطا ومعاملات حيزيه حقنده دخی مدعى عموميلكه تبليغات مقتضيه اجرا ايدلدىكي جهته اصول محاكات جزائيه قانونك اوچيوز يتش برنجى واوچيوز يتش ايكنجى ماده لردن استنباط اولنان احكامه توفيقاً اشبو قرارنامه بالتظيم اعلان اولنور .

ايكنجى تجارت محكمه سنده : طوب قبوده يكي بائجوده نومروسز دكانده مقيم بقال ميخال ولد قسطنطينك ۱۳ تموز سنه ۳۲۲ تاريخدن اعتباراً اعلان افلاسه ومصالح افلاسه نك رؤيت وتسويه سى ضمتنده اعضا ملازى عزتو ياقو افنديكك زور قوميسر ودعوى وكيللردن زاميه اوغلى ابوستولاكى افنديكك موقت سنديك تعينلرينه ومغازه سيله اشياى زانده بيتسنيك تمهريه واوراق ودقارنيك جلبه وكفالت معتبره ارانه ايد مدبكي تقدريده حبس وتوقيفه وبو باده كى قرارك موقه اجراسنه ايكنجى تجارت محكمه سندن قرار وېرلش اولديسندن قانوننامه تجارنك ۱۷۰ نجى ماده سى موجبنجه دائمى سنديكك انتخاب اولتى اوزره ۳۲۲ سنه سى تموزنيك بكرى طقوزنجى جمعه ايرتسى كوني ساعت لى راده لرنده اصحاب مطلوبك محكمه مذكوره نك مصالح افلاسه رؤيته مخصوص اوطه سنده كللى اعلان اولنور .

بك اوغلى بدايت محكمه سى ايكنجى مقومده دائره سنده : اورمان ومعادن وزارت نظارت جليله سى دعوى وكلى محسن بكك اسكدارده بلان اسكلسنده بلا نومرو

شريفده بركون ساعت اوچ بيقى راده لرنده خانه سنده اويومقده ايكن متهم غالب اونباشى خانه سنده بالورود كندوسنى اويانديروب بن برسنى اوردم اشياى كيدبورم اودن برشى ايتترلر ايسه وبر ديه رك صاوشدينى وبر ايكي ساعت صكره دكانه كيتديكنده مرقوم غالب اونباشنيك اوسقورمى قريه سنده على بن جرح ايتش اولدينى ايتديكى افاده استنطاقيه سنده موافق صورنده اخبار وشهادتنيك حضور محكمه ده كى متهم غالب حقنده ايدوكى علاوه تذكاري ايدلى . متهم غالب اونباشى سبب درميان ايتيه رك قبول ايتيه چكى سويلدى . (مابعدى كله جك نسخه به)

رانيه قادى ضرب ايدلدىكي ثابت اولان حسنيك برهفته حبسنه عمر افلاكك ايجه سنى طولانديردقلى ثابت اولان احمد ايله شريك اوچر ماه حبسلرينه وكندولردن برر ليرا جزاى نقدى اخذينه قسطنطينك ايله كرايچه قادينه نخل ناموس سوز سويلديكى ثابت اولان ايتاليادولتى تبعه سندن آتپوان افنديدن برليرا جزاى نقدى اخذينه قريه ت اغايه نخل ناموس سوز سويلديكى ثابت اولان على افنديدن يارم ليرا جزاى نقدى اخذينه درساعات ، بك اوغلى واسكدار بدايت محكمه لرى جزا دائره لرجه قرار وېرلمشدر .

مخبريات ايتديكى

پياس قضاسى ناچى وبدايت محكمه سى رئيسى سعدالدين افنديكك حقنده توقيف مذكوره سى وېرلش اولان برقاديى خدمت خصوصيه سنده استخدام ايلك صورتيله وظيفة ماموريتى سوء استعمال ايدلدىكى اطنه ولايت استيناف محكمه سى مدعى عموميلكندن وارد اولان اوراق تحقيقيه مندرجاندن اكلاشلمسى اوزرينه اجرائى محاكمه سنده عدليه نظارت جليله سندن ماذونيت وېريله رك محله تبليغات مقتضيه اجرا وكيفت محاكمه سندن طرف عالي مشيختناحى به ده معلومات اعطا قلتمشدر .

اعلانات

درساعات منابت محكمه سنده : ساخته جك تنظيميله بائقيلردن ايجه طولاندير.

خانه ده ساكن اسپرو وخاجى پترو ولد اورام وقاضى قريه سنده يل دكرماننده بلا نومرو خانه ده ساكن قنكجى بنايوط خاجى سيمون عليلرينه بك اوغلى بدايت محكمه سى ايكنجى حقوق دائره سندن اقامه ايدلدىكى دعوى اوزرينه اوليابه تنظيم ولاجل التبليغ خدمه معرفتيله ارسال قلنان دعوتنامه لر ظهرينه مرقومانك اقامتگاهلى مجهول اولدينى محله سى مختاراني طرفلردن شرحه اعاده قلتمش ومرقومان اسپرو وخاجى پترو ولد اورام وينايوط خاجى سيمونك معين بر اقامتگاهلى اولمدينى جهته اصول محاكمه حقوقيه قانونك ماده مخصوصه سنده توفيقاً ايشاي معامله ايدلى نظارت مشارالهاوكلى تحسين بك طرفندن طلب ايدلش ودعوى مذكوره نك فصل ورؤيتى بكرى ايكي سنه سى اغستوسنك طقوزنجى چهارشنبه كونه قرارلشديريلق اوليابه بشقه جه تنظيم قلنان دعوتنامه لر اصول محاكمه حقوقيه قانونك بكرى التنجى ماده سى موجبنجه محكمه دبوخانه سنده تعليق قلتمش اولديسندن مرقومان اسپرو وخاجى پترو ولد اورام وينايوط خاجى سيمون بوم مذكوره ساعت بش راده لرنده محكمه به بالذات كلكارى وبا طرفلردن بر وكيل كوندردمكلى حاله حقارنده معامله قانونيك اجرا قلتمه جنى معلوم اولق اوزره اعلان كيفته ابتدار قلندى .

اعموامات شرعيه اجرا دائره سنده : حسيه خانكك اشياى احمد افندى ايله زوجه سى قاطمه خانم ذمتلرنده بااعلام شرعى الاجنقى اولان مبالغ معلومه نك تاأمين استيقاسى ضمتنده مومى. اليهانكك عهده لرنده اولوب اشبو دينلرى مقابلنده مروهون وفروخى محكوم بولنان لغه كير قرينده مسيح باشا عله سنده لغه جاده سنده واقع مكرر اوچ نومرو ايله مرقم بر باب ملك دكلك بوندن اول لى المزايده اوچيك يوز غروش بدل ايله طالبي اوزرنده تقرر ايتش اولديسندن يوزده بش ضميمه بوندن دهازياده به طالب اولنلرك دهازياده معلومات المقى استيانلرك اشبو تاريخ اعلاندن اعتباراً اوتوز بر كون ظرفنده درساعات اعلامات شرعيه اجرا دائره سنده مراجعت ايللرى صولدفده اوله رق اعلان اولنور .

محكمه تجارت اجرا دائره سنده : حاجى رائف افنديكك على رضا افندى ذمتنده ايكنجى محكمه تجارت اعلاميله محكوم به اولان الهجنيكك تسويه سيجون مديون مرقومك عهده

تصرفنده اولوب قاسم باشاده ساقر اغاجی جوارنده صحاف مصالح الدین محله سنده خسته خانه جاده سنده اون بش نومرو ایله مرقم شهری اوتوز غروش ایجار کتورر اوج اوطه و بر صفه و بر مطبخ و قرق ذراع مقداری آرهلق محلی و مشتملات سائرینی حاوی صرف ملک برباب اخشاب خانه اشبو تموز رومینک اون طقوزندن اعتباراً اون بش کون صکره موقع مزایده قونیه جغندن اشتراسه طالب اولانلرک و بوندن زیاده معلومات آلق ایستیانلرک محکمه تجارت اجرا دائره سنده مراجعت ایلمری اعلان اولنور .

ژ. س. بوطن افندی بک محمود باشاده مناسب تری خاننده قومیسو نیجی لئون فنارجان ذمتنده ایکنجی محکمه تجارت اعلامیه مع فائض و مصارف محاکمه محکوم به مطلوبی اولان مبالغ معلومه نک تسویه سیچون محجوز بولنان مقدار کافی حام بیاض مشینلر اشبو تموز رومینک یکرمی دردنجی بازار ایرتسی کونی ساعت اوچدن بشه قدر مذکور خان پیشگاهنده و مأموری مواجهه سنده بالمزایده صاتیله جغندن اشتراسه طالب اولنلرک یوم و وقت مزبورده محل مذکورده حاضر بولنملری محکمه تجارت اجرا دائره سندن اعلان اولنور .

در سعادت اعمال نظامیه اجرا دائره سنده :

نومرو ماکنه سی

عدد

۱

خریجه خانک با اعلام نظامی صرافان دن اورام پادوبلو ذمتنده کی اله جغندن طولانی مدیون مومی الهک مالی اولوب حیز التنه الیرلمش اولان بر عدد نومرو ماکنه سنک شهر حال رومینک یکرمی برنجی پنجشنبه کونی ساعت بش راده لرنده غلطه ده بورسه خاننده بالمزایده فروخت اولنه جنی در سعادت اعلامیات نظامیه اجرا دائره سندن اعلان اولنور .

عزتلو شوکت بک سعادتلو رشید بک افندی ذمتنده محکوم به اله جنی اولان مبالغ تأمین تسویه سیچون مدیون مومی الهک عهده تصرفنده بولنان غلطه ده یکی جامع شریف محله سنده زلف عروس زقاغنده تخمیناً یوز ایکی مترو عرصه اوزرینه مبنی زمین قاتیلر برابر اوج قادن عبارت و مایر و شرکاسی البسه مغازه سنده مقلوب یکرمی یدی نومرولو مغازه و مشتملاتنده کی سنوی سکسان درت لیرا ایجار کتورر

برنک حصه شایه سی اجر قلنسان مزایده اوزرینه عثمانی لیراسی یوز غروش حسابیه اوتوز بش بیک غروشده طالبی عهده سنده تقرر ایدرک موقه قرار داده سی کشیده قلنمش اولدیغندن یوزده بش ضم ایله طالب اولنلرک تاریخ اعلانن نهایت اوتوز برکون ظرفنده در سعادت اعلامیات نظامیه اجرا دائره سنده مراجعت ایلمری اعلان اولنور .

بک اوغلی بدایت محکمه سی اجرا دائره سنده :

متوفی بیرام قبودان کریمه سی امینه خانک بک اوغلی برنجی حقوق دائره سی اعلامیه بکر صدقی افندی به دینی اولان معلوم المقدار مبالغک تأمین استیفاسی ضمننده مدیونه مزبورده نک پدرندن انتقالاً متصرفه اولدینی استنده محمود چاوش محله سنک استینه جاده سنده تخمیناً اوجیوز التمش سکر ذراع عرصه اوزرینه مبنی شهری التمش غروش ایجارلو مکرر یتش طقوز نومرولی اخشاب برباب بقال دکایله ارقه جهنده کائن قایقخانه و اوزرنده شهری اوتوز غروش ایجاره متحمل ایکی اوطه لی خانه ده و شهری قرق غروش ایجارلو اوج اوطه لی دیگر برباب خانه ده و اوتوز غروش ایجارلو برباب براقده کی ربع حصه شایه لری لدی المزایده ایکی بیک بشیوز غروش التون ایچه بدل و محله مذکورده تخمیناً بشیوزاون ذراع عرصه اوزرینه مبنی ینسه مکرر یتش طقوز نومرولی و یوز یتش بش غروش ایجارلو قهوه خانه ایله اوزرنده کی ایکی اوطه ده و اتصالنده برجانی آلتنده شهری اوتوز و قرق والی غروش ایجارلو و ایکیشر اوطه لی اوج باب اخشاب خانه و مذکور عرصه اوزرنده کائن شهری اوتوز غروش ایجارلو دیگر برباب اخشاب براقده کی كذلك ربع حصه شایه لری ایکی بیک بشیوز غروش التون ایچه بدل ایله طالبی عهده سنده تقرر یتش اولغله تاریخ اعلانن اعتباراً اوتوز برکون ظرفنده یوزده بش ضمیه طالب اولانلرک بک اوغلی بدایت محکمه سی اجرا دائره سنده مراجعت و اوتوز برنجی یعنی شهر اغستوسک اونجی پنجشنبه کونی قرار داده سی کشیده اولنق اوزره یوزده اون نسبتنده کی پی و دیپوزیت ایچه لری مستصحباً ساعت بش راده لرنده املاک مذکورده پیشگاهنده مأموری مواجهه سنده حاضر بولنملری اعلان اولنور .

محمد علی اغانک بک اوغلی بدایت محکمه سی ایکنجی حقوق اعلامیه خیریه خانم ذمتنده محکوم به اله جنی اولان ایکی بیک اوجیوز التمش غروشک مع فائض و مصارف محاکمه استیفاسی ضمننده مدیونه مزبورده نک متصرفه اولدینی نشان طاشنده تشویقه

محله سنده نشان زقاغنده مکرر اون درت نومرولی محجوز برباب خانه نک اوج ربع حصه سی تاریخ اعلانن اعتباراً اون بش کون صکره بالمزایده فروخته تشبث اولنه جنی بک اوغلی بدایت محکمه سی اجرا دائره سندن اعلان اولنور .

بقال یانقو ولد دیمتری ملاسک بشکطاشده ساکن ایکن بوندن اقدام فوت اولان ساعتجی قسطی ولد یانی قسطنطنیه دیه اقراض ایلدیکی اوجیوز طقسان عدد لیرای عثمانی مقابلنده مدیون متوفای مرقومک بشکطاشده کوی ایچنده روم مکنتی زقاغنده برنومرو ایله مرقم متصرف اولدینی حدانتقالی توسیع قلنمش برباب خانه سی اوج سنده وعده ایله وفاء فراغ اولنه رق داین مرقوم یانقونک دخی بیع مرهونه توکیل قلنمش اولدینی حالده مدیون مرقومک ادای دین ایتمکسزین وقوع وفاتنه مبنی یکانه وارثی برنفر صابی کیر اوغلی اسکندریه ده زقارالی مغازه سنده مستخدم یانی ولد قسطی قسطنطنیه یسدن مبلغ مزبور اوجیوز طقسان لیرانک مع فائض و مصارف محاکمه و سائر تحصیل و امتناع و قوعنده منزل مرهون مذکورک بالمزایده فروختیه اتمانندن مبلغ مزبورک مع فائض و مصارف محاکمه و سائر استیفاسی حکمنی متضمن بک اوغلی بدایت محکمه سی برنجی حقوق دائره سندن صادر اولوب مدعی علیه مرقوم یانی ولد قسطنطنیه یسک اقامتکاهی مجهول اولمقدن ناشی غزته لرله بالا اعلان معامله تبلیغیه سی ایفا ایدیلرک مدت قانونیه سی مرور ایدن ۱۲ کانون اول سنه ۱۳۴۱ تاریخ و اوجیوز اوتوز یدی نومرولی حکم غیابی اعلانک تنفیذ و اجراسی ضمننده داین مرقوم یانقو طرفندن بوکره موقع اجرایه وضع اولنه رق محکوم علیه مرقوم یانی ولد قسطی قسطنطنیه یسک اقامتکاهی مجهول اولدینی جهته لیه ایجاب ایدن اخبارنامه نک اعلان صورتیه تبلیغی طلب ایتمسینه بناء اجرا قانونک یکرمی طقوزنجی ماده سی حکمنه توفیقاً تاریخ اعلانن اعتباراً اوج آی ظرفنده اثبات وجود ایدرک محکوم به دینی ایفا و تسویه ایتمسی ایچون مرقوم یانی ولد قسطی قسطنطنیه یس نامنه تنظیم قلننان اخبارنامه محکمه دیوانخانه سنده تعلیق اولدینی کی بواوچ آیک انقضاسنده مدیون مرقوم اثبات وجود ایتمز ایسه دینک ایفا سندن امتناع ایتمش عد اولنه جغندن معامله لازمه قانونیه نک ایفا و حکم اعلامک اجرا اولنه جنی و تبلیغ کیفیت معلوم اولق اوزره اعلان اولنور .